

# БЛАГОВѢСТИИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходитъ двараз въ мѣсяцъ  
каждого 1-го и 15-го.

АДРЕС:  
Редакція: Kapitulska ulica 10.  
Администрація:  
Uzhgorod, Duchnovicova c. 12.

ПРЕДПЛАТА:  
на рок ..... 12.— К  
одно число .... 1.— К  
За границю .... 20.— К  
До Америки..... 1 д.

ОБЯВЛЕНИЯ  
принимаются по цѣнѣ  
за 1 сторону .. 200 К  
за 1/2 сторону .. 120 К  
за 1/4 сторону .. 65 К

Преосвященный о. Василій Такачъ  
епископъ американскихъ Русиновъ.

Дивнѣ суть дороги Божого Провидѣнія... Передъ  
дасколько днями еще никто изъ нась не думавъ, что  
Божа ласка выберетъ о. Василія Такача, сего скромного  
и працьовитого роботника Христового винограда на  
великое достоинство и на тяжку посаду епископа аме-  
риканскихъ Русиновъ.

Мы широко радуемся сему выименованію Римского  
Престола. Мы, котрѣ познаемъ нового Преосвященнаго,  
знаемъ, что Онъ буде добрымъ епископомъ своего  
стада; Онъ буде изъ тыхъ епископовъ, котрѣ жиутъ  
межи своимъ народомъ, люблять языкъ, обычай, тра-  
диціи своего народа, котрѣ въедно чувствуютъ съ наро-  
домъ, такъ въ смуткахъ, якъ въ радостяхъ его.

Американскѣ Русины достали — по довгомъ ожи-  
данію — на епископскій престолъ одного ревнаго обо-  
ронителя ихъ вѣры и народности. Преосв. Василій Та-  
качъ выбравъ свою участъ въ той религійной борьбѣ,  
котра уже пятый рокъ лютится на Подкарпатской Руси.  
Где наибольша была небезпека, туда епископъ его по-  
славъ ратовати положеніе. Онъ добре знае, что якъ  
вести борьбу противъ шизматиковъ, мае смѣлость  
не отступати съ передъ ними, мае ловкость за-  
разъ появитися тамъ лично, где горить, но мае и  
добroe сердце не отстрашити отступниковъ гро-  
зными словами, но просвѣщати ихъ и отцовскою лю-  
бовию напоминати, и навертати ихъ на дорогу правды.

Его Преосвященство есть изъ того рода священников, котрѣ и въ національныхъ дѣлахъ не отступали отъ народа. Наши наибольшѣ писателѣ, будителѣ руского народа были рускѣ священники..., люде котрѣ въ найтяжшихъ добахъ гнету не отступали отъ народа, были такожь священники... люде, котрѣ письмо руское, букву рускую сохранили для нась, ...люде, котрѣ смѣли ажь до послѣдной минуты писати по руськи — были рускѣ священники... Изъ межи тыхъ священниковъ е и Его Преосвященство Василій Такачъ. Кто не зрадивъ свой рускій народъ въ часахъ переслѣдований, той останеся его щирымъ другомъ въ часѣ народной свободы и свѣдомости...

Намъ жаль, что Преосв. Василій Такачъ оставить нась и пойде въ далекій край. Но изъ другой стороны радуемся, что Онъ пойде до нашихъ американскихъ братовъ працовать для блага ихъ. Бо надѣемся, что Онъ тамъ много здѣлае такъ въ интересѣ вѣры, якъ въ поднесеню народной свѣдомости нашихъ братовъ.

*И знаеме, что въ особѣ американского епископа и наша справа, наша горька борьба съ непріятелями нашей отцевской гр.-каѳол. вѣры найде сильну моральну помочь, доборотися намъ до окончательной победы...*

Б.



Благовѣщеніе Пр. Дѣви Марії.



## Наука о Вѣрѣ.

### § 7. Створеніе свѣта.

1. Богъ сотворивъ весь свѣтъ изъ ничего черезъ свою всемогущу волю. О семъ свѣдчать першѣ слова св. Писанія: „**Б**ы началъ сотвори **Б**есѣ и землю“ (Быт. 1, 1) и се есть першимъ членомъ символа: „**В**ѣрю... Творца неба и земли, видимыхъ же всѣхъ и невидимыхъ“.

Створити (евр. *bara*) значить чось изъ ничего творити. Чоловѣкъ не годенть сотворити, только изъ вещи готової да что зробити, осуществляти свои идеи въ матерії. — Речея: „изъ ничего не буде ничъ“ лишь въ томъ смыслѣ правда, что каждое дѣйствие має свою причину, або что чоловѣкъ ничего не може здѣлати безъ готової матерії. Свѣтъ не повставъ изъ ничего, но Богъ сотворивъ его изъ ничего. Причиною существованія свѣта есть всемогуча Божа воля.

Изъ сотворенія свѣта изъ ничего слѣдує tota истина, что передъ сотворенiemъ не было жадної матерії (Dualismus – вѣчна матерія и вѣчный духъ, якъ два начала). И что Богъ и свѣтъ то не одно (Pantheismus) но суть по существѣ различнѣ существа.

2. Богъ не только первоначальное вещество свѣта создавъ, но черезъ шѣсть дній завьювъ въ него порядокъ и развивъ его до нынѣшной красоты и совершенства. Такъ Богъ въ першихъ трехъ дніяхъ розлучивъ свѣтлость отъ темноты, вышина воды отъ сподныхъ, море отъ суши, на которой появилися рослины; четвертого дня появилися тѣлеса небеснѣ, пятого заселилися животными рѣки и воздухъ, шестого же дня сотворенѣ были на земли рожнѣ скоты и на конци чоловѣкъ.

Розвитокъ свѣта подъ шѣсть дніями называється ѡхаетегон шестоднєвіе; дни ексаємерона не означають дній изъ 24 годинъ состоячихъ, но суть періодами (вѣками довшиими), изъ которыхъ седьмий день еще и теперь держить. — Мойсей описаніемъ сотворенія свѣта не намѣрявтъ, дати намъ научное поученіе о повстаню и развитію свѣта, только религійное и моральное поученіе, что а) Богъ сотворивъ всю вселенну изъ ничего и что б) по примѣру Бога и мы должны за шѣсть дній робити, а семого отпочити отъ работы.

Однакожъ интересантное дѣло, что и научна геологія самый той порядокъ розвитія свѣта установила, якъ Мойсей. Первоначальное вещество (*chaos* бездна), земля покрыта моремъ, повстаніе суши, появленіе рослинъ, скотовъ и человѣка. Наука повно оправдала правильность описанія св. Письма, так, что не е сумнѣву о томъ, что Мойсей свое знанія черпавъ изъ Божого вдохновенія.

3. Богъ сотворивъ свѣтъ, чтобы черезъ се обявивъ свои совершенства, вслѣдствіе чого получивъ отъ сотвореній прославленіе, ихъ же зробивъ участниками въ добръ сотворенного свѣта. Прославленіе Бога есть также перша цѣль сотворенія свѣта. Сему требованію повно удовлетворяютъ безумнѣ сотворенія. „Не беса покѣдають славѣ Божію, ткореніе же рѣки Єго козкѣщастъ ткєрдъ“ (Пс. 18, 1). Розумнѣ сотворенія изъ свободной воли мають приключитися къ сему прославленію; якъ се не зроблять самовольно, примушенѣ будуть черезъ караочу Божу справедливость признати Богу належачу славу. Друга цѣль сотворенія: блаженство тварей, головно людей означавъ Богъ уже въ рабочими словами: „Растите и множитесѧ и напоаните землю и господствуйте єю (1. Мо. 1, 28).

4. Богъ не только сотворивъ свѣтъ, но своею всемогущою силою непрерывно поддержує и отъ уничтоженія сохраняє. „Како же пребыло бы что, аще бы ты изволилъ еси, или еже не наречено отъ тебе, сохранилъ бы? (Прем. 11, 26). Поддержаніе и управление міра случається черезъ законы и енергіи природы; Богъ при створенію свѣта заосмотривъ природу законами, котрѣ постоянно въ дѣйствію суть. Богъ черезъ сесѣ законы природи управляетъ свѣтомъ.

Не е выключена рѣчъ, что съ помочію сихъ Богомъ въ матерію вложеныхъ законовъ природы розвивався свѣтъ до нынѣшної красоты и совершенства. Наука менше-больше доказала, что существуетъ розвитокъ въ рядѣ животныхъ, такъ что изъ животныхъ низшого ряда походять высшѣ расы животныхъ. Сія еволюція доти не противиться христіянскому свѣтогляду, доки не отрицається сотвореніе первоначальной матеріи и первого живота черезъ Бога и походженія души людской безпосередно черезъ соторительну силу Бога.

5. Однакожъ не лишивъ Богъ свѣтъ на свою волю; онъ держить въ рукахъ своихъ поводы природныхъ законовъ; онъ стоять надъ силами природы и володѣе ними по своей премудрой воли. Онъ дбає и за найменшое сотвореніе и безъ его воли и знанія не случиться на свѣтѣ и найменша змѣна. Головнимъ предметомъ его заботливости является человѣкъ. „Не даетъ ли птицы цѣнитса единимъ ассаріемъ; и ни единна отъ ныхъ падетъ на земли безъ Отца кашего. Бамъ же и класи глаокніи изочтени свѣтъ. Не оукойтесѧ оубо, мнозѣхъ птицъ лѣчиши есте вѣ“ (Мо. 10, 29—31).

Треба знати, что Богъ злое не хоче, однакожъ даколи допущає. Бо Богъ давъ, человѣкови свободну волю, чимъ человѣкъ го-дентъ противостати злому и такъ собѣ заслужити на вѣчный животъ. Не разъ Богъ злое оберне на доброе, якъ н. пр. изъ исторіи Йосифа знаєме. До того черезъ наслѣдки злого выявляються совершенства Бога, якъ его долготерпеливость, милосердіе и справедливость взглядомъ грѣшного человѣка.

Физичнѣ зла сего свѣта (терпѣнія, муки, нужды) походить або изъ того, что свѣтъ не е совершенный, або являются карами Божими за грѣхи наши (потопъ, свѣта), або суть пробами нашей справедливости (ловъ). Терпѣнія сего свѣтскѣ неразъявляются дуже добрыми средствами нашего духовного житя. Колько разъ были они причинами наверненія окаянного грѣшника и спасли его отъ вѣчной погибели и колько много заслужили черезъ нихъ праведнѣ души для вѣчного житя. Они являются перворядными чинниками духовного выхованія, они научаютъ насъ на такъ полезнѣ чесноты терпѣнія, милосердія и великодушности. И грецкій мудрецъ такъ говорить: Кто не страдае, той не выховуеся. Никто еще не бывъ великій, або святый, кто не перейшовъ черезъ многъ терпѣнія.“

Но въ, наибольшомъ, случаю сами люди суть причинами своихъ терпѣній. Гордость, нечистота, заздрость, крадѣжъ, обжирство, лѣнивство, скупость — сколько разъ были причинами руѣны не только одинокихъ людей, но стали гробами могучихъ державъ и высокихъ культуръ. И наибольший ударъ человѣчества война, ци не въ самихъ сихъ пристрастяхъ людскихъ мае корѣнь и причину свою?!

Не противиться провѣдѣнію Божому и то, что безбожникамъ добрѣ ведеся на свѣтѣ а праведники не разъ въ крайной нуждѣ и въ несчастяхъ перебывають. Бо Богъ не принужденъ заразъ карати злыхъ и нагородити праведныхъ за ихъ дѣла; туземный животъ есть только пробою для человѣка, а заплата слѣдуетъ на другомъ свѣтѣ. Сеземный добробытъ злыхъ есть нагорода Бога за ихъ малѣ дѣла (бо Богъ справедливый), доки по смерти лишь кара Божа чекае ихъ. Праведнѣ же туй терплять за свои пережѣ грѣхи, чтобы на другомъ свѣтѣ лишь нагороду Божу достали. Впрочемъ и счастья безбожниковъ лишь виѣшное. Грызе ихъ зла совѣсть, жіютъ въ постоянныхъ сумнѣвахъ и терплять отъ своихъ грѣшныхъ пристрастей. Воистину „Нѣкѣ радогатисѧ нечестивымъ“ яко говорить пророкъ (Ис. 57, 21).



**Безвѣріе изъ дня на день росте.** Неудовга не буде лишъ двоякихъ людей: такихъ, котрѣ держаться до Бога, а такихъ, котрѣ станутъ его найгоршими ворогами. На жаль безбожники туртуються головно изъ тыхъ людей, котрѣ одпали од христіянско-каѳолической Церкви и перейшли на якусь еретицку вѣру. Безбожіе найгорше росте меже нашими заблудившими братями „схизматиками“, которыхъ не только „православными“, но невдовга даже и христіянами не можъ буде называть.

На сей смутный и печальный конец шизматиков указуете один допись, что мы недавно получили из Америки. В нем якійсь батюшка Р. Hazy Box 8, Whitsell Pa. родом из Великих Лучок обѣцяе 100 долларов тому, кто „на основаніи Священного Писанія докаже, что... и туй подае 20 точок, на которых чекає одповѣдь. На конци возванія додає: „а если вы не в состоянии доказать, то вы должны согласиться с тѣм, что всѣ церковныя богослуженія и церемоніи ничто иное, как только выдуманная ложь хитрыми людьми в время темных вѣков“.

Редакція Благовѣстника охотно возьмeseя до бою в оборонѣ вѣры христіянской против нападов батюшкі и буде усиловатися так потолковати истины христіянской вѣры, чтобы они были ясными и перед нашим неученым русином. Из другой стороны буде видѣти наш христіянскій руській народ, яку „тверду“ вѣру мають тотъ батюшки, котръ понапущають собѣ довгѣ волося и бороды, а в души только не вѣрують, як той поганин в темной Африцѣ.

В каждом числѣ навперед сообщаеме дасколько точок изъых вопросов и будеме просити наших дописователов, селян и священников, абы сообщали свої думки и свої аргументы. Се не зато просиме, як бы мы не мали доста документов для обороны вѣры христіянской, но чтобы и других заохотити до писаня и головно, чтобы тотъ, котръ меже народом жіютъ, подали нам такѣ аргументы, которых найлѣпше и без жадных трудностей порозумѣе наш простый селянин.

Р. Hazy просить „на основаніи Священнаго Писанія“ доказати

1. *Что душа человѣка есть бессмертна и что она идет по смерти въ небо, чистилище або в ад на вѣчнѣ муки.*

Мы скорше як бы ся пустили в толкованя сей первой точки хочеме ся порозумѣти с паном Р. Hazy-ом, что он подтым разумѣе: „на основаніи Священнаго Писанія“; хочеме чисто видѣти, что держить он источником вѣры? Св. Писаніе и св. преданіе як мы и с пами и гр.-восточнѣ „православнѣ“, ци як новѣйши еретики протестанты лиш св. Писаніе. Зато наша задача передовсѣм одвѣчати Р. Hazy-ови на то:

### Что есть источником вѣры?

Источником вѣры суть так св. Писаніе як и св. *Преданіе*. Под сим *преданіем* разумѣеме туту науку Христа, что апостолы од него чули, людям проповѣдали, но евангелисты не списали до св. книг. Лиш по тому, по смерти Апостолов списали св. Отцы, або рѣшили на вселенских соборах. Св. преданіе есть также вѣра найдавнѣйших вѣковъ христіянства.


1. Что не цѣла наука Христа находиться в св. Писанію, то признаютъ и сами апостолы. Св. Іоанн сам каже на конци своего Евангелія: „Сѧть же и ина а многа, та же сотвори Інсъєзъ, аже аце бы по єдиномъ писана быша, ни самомъ мною всемъ міръ вмѣстити писемныхъ книгъ“ (Іоан. 21, 25). То, чого не е в св. Писанію, то находиться в св. Преданію.

2. Христос не послав апостолов *писати*, но проповѣдати, говорити... Что они *проповѣдали*, то есть источником вѣры, а то не все есть в св. Писанію, як каже уже высше св. Іоан.

3. Всѣ св. книги лиш на конці первого столѣтія были готовѣ. А до того часу что было источником вѣры? Ясно, что не св. Писаніе, но только св. Преданіе.

4. За то и св. Павел выразно отзывався при св. Писанію и на св. Преданіе: „**Братіе стойте и держите преданія, иже наставлесѧ словомъ или посланиемъ нашимъ**“ (2. Тесс. 2, 14).

Зато Христова Церковь, коли опредѣляє даякій член нашого вѣроисповѣдання, ровноправно отзываєся и на св. Писаніе и на св. Преданіе, бо лиш они обое содержают в собѣ цѣлу науку Христа. В сем дѣлѣ з нами виедно вѣрють и греко-восточнѣ (схизматики), что явно из хоть котрого их катехизма, выданного офиціяльным церковным урядом. (На пр.: Христ. катехизис. Москва. 1866., ст. 4—5). Прото и мы, коли разрѣшаєме вопросы поданѣ Р. Назу-ом с повным правом будеме ся одзывать так на св. Писаніе, як на св. Преданіе. (б)



## Нова вѣра.

(Продовженье.)

Декотрѣ люди слухаючи ту чудесну панночку почали головами кивати и говорити: Чуешь, та не зло говорить. Коли то Мисс. Л. побачила, что людей так збаламутила, еще больше языкомъ робила. — Янко видѣвъ, же ему тяжко наразъ доказати той многоглаголивой панночцѣ, что неправду говорить и сказавъ такъ:

Янко: Я теперь виджу, съ кимъ мы маеме до дѣла. Вы суботичарка. Я уже чтось чувъ о тыхъ шаленыхъ людяхъ, котрѣ на свой способ хотять толковати святое Письмо и назадъ запровадити всѣ законы Старого Завѣта такъ, якъ коли бы еще не прїшовъ на сей свѣтъ Іисусъ Христосъ. Тіи люде не признают анъ Христа якъ Бога, анъ святу Церковь, котру Христосъ постановивъ, анъ епископовъ, анъ священиковъ. У нихъ

такъ якъ у такой фамилії, гдѣ дѣтина мала заповѣдає. Одень учить одну науку, другій учить другу науку... десятый десяту и т. д. Всѣ они лишень въ томъ сходяться, что ненавидять Церковь Христову, ненавидять римского отца, епископовъ и нашихъ священиковъ. Съ такими людьми мы не маеме что бесѣдовати по словамъ св. Письма: „Кто не слухає Церкви, най Тобѣ буде якъ мытарь и поганинъ.“ И для того, панночко, идѣть вы своею дорогою. Межи протестантами и калвинами можете свою ложну и шалену науку ширити. Насъ пустѣть во мирѣ. Мы останеме твердо при нашей св. греко-католической вѣрѣ якъ есме и до теперь были. Та вѣра насъ допровадитъ до вѣчного счаствя, а разомъ намъ хоронить нашу народность руську.

— Такъ, такъ — сказали майже всѣ люди.

Коли Мисс. Л. побачила, что ту не знайде поле для себе, позбераля свои книжочки и пустилася дальше до близького села Т., гдѣ суть сами Лутеране.

Янко щось побачивъ, якъ оденъ съ помежи селянъ нашихъ отпровадивъ панночку и познѣйше дознався, же онъ. по просивъ, чтобы ему лишила тіи книжочки. Мисс. Л. радостно то зробила и еще дала тому чоловѣкови 100 д. якъ дарунокъ.

Скорше якъ хлопы розойшлися до дому, сказавъ Янко: Братя мои! Мы жєме въ тяжкихъ часахъ. Нынѣ кождый хоче научовати нову вѣру, а рѣдко есть такихъ, котрѣ бы хотѣли слухати св. Церковь, якъ то давнѣйше было. Мы всѣ добре видиме, что наша вѣра одинока Христова вѣра, бо ту одиноку вѣру всѣ проганяють, якъ то и Христа проганяли. Никто не нападає анѣ на вѣру жидовску, анѣ на протестантску, анѣ на кальвинску, а до нашей вѣры кождый хоче затиснути свой носъ: и жидъ и кальвинъ и протестантъ и т. д.

Але чтобы мы были добре поученѣ и о семъ вопросѣ, что то празднованя недѣлѣ, я попрошу о. Редактора Благовѣстника, най намъ о томъ напише подробнѣйше, чтобы кождый отъ насть знатъ свою вѣру боронити противъ всѣхъ дурисвѣтовъ.

„Най живе нашъ Янко“, говорили люди и розойшлися до своихъ домовъ роздумуючи о томъ, что чули днесъ пополудню.

Янко добро уважавъ на того чоловѣка, котрый забравъ суботичарскѣ книжочки отъ той панночки. И не помылився. Сей чоловѣкъ приставъ до сей секты и започавъ и самъ баламутити и другихъ. Юдины гроши робили у него. Ему было обѣцано, что буде мѣсячно доставати по 100 д. если буде дальше розширяти ту нову вѣру.

То ще болыше силовало Янка, чтобы якъ найскорше по просити о. редактора Благовѣстника най въ Благовѣстнику напише о сей новой вѣрѣ, чтобы и другѣ не были збаламучены черезъ Юдины гроши. И онъ написавъ письмо до Ужгорода на которое му редакторъ дастъ отвѣтъ въ слѣдуючихъ числахъ Благовѣстника.  
(Далѣ буде).

## Что е причиною перехода наших русинов на „шизму“?

То бы думав чоловѣк, что люде из даяких — Бог знає яких — причин переходить на шизму, котру "они так дуже любовно называют своим „православіем“.

Многѣ люде были, котрѣ змагалися на то, чтобы глядали и обяснили переход наших гр. кає. русинов на шизму. Были поодинокѣ, котрѣ приписовали нашим священникам и их недбальости, другѣ змагалися злым духом нас назвати „мадяронами“ и се постановити причиною того, что руський народ одвернувся од нас и позад сего од своєї вѣры. И так дале износили всякѣ причины, ибо кожного раздумающего чоловѣка запяла тата думка, як то може быти, что коли еще и „православна“ Россія змагаєся к соединенію с Римом — тогды наши подкарпатскѣ гр. каєолицкѣ русины залишають свою истинну Церковь.

Не давно узнав я сему причину.

В часѣ наших Роздвянных святков упав менѣ в руки в Празѣ исходячій „Православный вѣстник“, [XII. 11. (24.) р. 1923.] где пише Е. В. (Ци не Епископ Венямин? скрывається под се) за „коблину, роковину и сребролюбіе“. Туй пише он, что уніятскѣ священники ексеквують свою коблину и другѣ платы, а пише за факты (?) на Словакіи, что до 40.000 к правотив священник вѣрников. — (Где? Коли? Котрый?) И туй по дасть и причину коли каже за коблину: „Ето (коблина, платня) служить между прочим, одной из причин, болѣе рѣшительного отталкиванія от уніятства в православіе.“

Сесе дуже красно дякуєме „Его Преосвященству“ Венямину. Хоть знаєме, что людѣ наших перевожують в православіе с тым, что „батюшки“ задарь роблять, им не треба ни коблины, не платнѣ, они зовсѣм задармо роблять.

Мы теперь на коротко лиш то звѣдаеме: Ци правда е то, что батюшки задарь роблять? Ци знає Господин Е. В., что его „не сребролюбимѣ“ батюшки за службу и по 20 Кч. беруть? Ци чув за то, что служать за грошѣ твердѣ и паастасы, хотяй у них нѣма мытарства? Ци знає, что и они на кочѣях ходять? Ци знає, что коли на Вodoщѣ хиж святив один „іеро монах“, 1 кор., 1 повѣмо и одно бюдо дачого просив? Ци знає, что од нас забранѣ землѣ, фары, Церкви, батюшки хоснують? — Ци знає то, что фару поправляют и роблять батюшкам? — Ци Господин Е. В. дома задарь робив и жив из воздуха? Ци он не держить, что „достойный е роботник платы своєї“. — Ци он знає то, что у нас нитолу (оплату) епископ и дуже остро приписує, а каноническое право кожду несправедливость остро карає? — Ци знає он, что пока батюшки майже все за большу сумму кончатъ службу, як гр. кат. священники?!

Або Господин Е. В. одежду и меблѣ жалуе од нас и называе нас сребролюбивыми за то, что ряндахѣ и не мытѣ не ходиме?

Най подумае на то, что гр. кає. духовники суть образованѣ люде, котрѣ и роботати и жити здорово — лишь между так як одповѣдными односинами можуть. Мы не хочеме писати против батюшок, ибо они доста чинять и самѣ против себе, айбо то треба признati, что они в своем станѣ перед рукоположенiem без жадного образованя в таких односинах жили, за которыми хоть чим бы треба доволным быти. Но не е так, бо батюшки и дуже жадають платню.

Но доста! Sapienti sat!

Мы дякуеме Господину Е. В. за его выяву и засим надѣмeseя, что гр. кає. вѣрники, котрѣ позад платни оставили свою истинну Христову вѣру, скоро спознають, что и батюшки не живуть из воздуха, и им платятъ, еще и больше, як гр. кає. духовникам и прїиде час, коли и им отворяться очи, и узрѣютъ что наибольшою причиною шизмы е tota велика, бездушна борьба против правды Христовой, которую ведуть тоты неученѣ, не квалифициванѣ люде, котрѣ оклеветали благочестиву стару роботу и пановати бы хотѣли в священническом станѣ. — И за сим на дѣло Господин Е. В. хотяй лишь в тишинѣ души своей дасть нам правду и если хоче быти справедливый, та в слѣдуюцом числѣ Православного Вѣстника говоривше за причину перехода на православіе не назначить опять платню священичеську, бо с сим „выкопле собѣ яму, в которую сам упаде“.

Д. К.

## Из шизматицкого раю.

**Голодъ у Н. Синевиру.** Горблянскѣ гр. выходники достали собѣ бородатого батюха Бабичъ Ивана, кто злакомився и на великое село Н. Синевиръ. Заото попробовавъ посвятити церков гр. кає. у Н. Синевиру, но Нѣрова и другъ вѣриї греко-католики потрясли му мало бороду, отъ чего напавъ на него страхъ и примары появляють ся ему (една свиня пужае и мордует го коло повночи). Однакожъ народъ синевирский порушенный, баламутится и шизматики хотять гр. кає. церковь на силу взяти.

Нащививъ Н. Синевиръ и шизматицкій владыка Венiamинъ и лишивъ тамъ свое благословеніе... Сie благословеніе архіерейское въ томъ состояло, что доки переже шизматики въ Имшадѣ только у фарскій колодязь сыпали нафту, оболоки казили, доти отъ нащивленія бискупа Венямина и людска кровь вытекла на землю. Биля Иванъ, имшадскій гр. кає. обыватель 12. II. 1924. на праздникъ „Трехъ святителей“ пошовъ зъ женою на Синевиръ. Вертаючи домой на пути 2 км. отъ Синевира стрѣтивъ 4 людей синевирскихъ. Кланявся имъ: „Слава Іисусу Христу“. Отклонилися ему по „православному-шизматицкому“ способу. Кам'яями побили ему голову на только, же докторъ 96%

слабости назначивъ на вѣзѣрепортѣ 4% хыбѣли отъ смерти!) Но Богъ небесный таку силу давъ ему, же не утративъ свою память и двохъ опрышковъ-шизматицкыхъ спознавъ: Кыцукъ Петра и Колька Ивана; а на третього каже, же рапавый бывъ и моцный. Четвертого не спознае бо тотъ жону его змѣсивъ. Также синевирскѣ шизматики греко-каѳолицку кровъ пили уже, но мясо еще не кушали. Также голоднѣ. — Теперь имшадскѣ гр. каѳ. „назначенѣ“, твердѣ черезъ Нижній Синевиръ дорогу не мають. Черезъ Н. Синевиръ ходили до суду, до журата, до телеккниги, на пошту и т. д. Сеся дорога въ свободной републицѣ заперта, бо свою голову за чустерь, за едно письмо никто не лишить на славу Венямина, якъ лишивъ Биля Иванъ въ свѣтлый день, якъ мученикъ за прадѣдну вѣру.

Противъ голода лѣки даютъ. И мы гр. каѳ-ы просиме отъ п. губернатора лѣки противъ шизматицко-большевицкого голода. Дорога черезъ Н. Синевиръ заперта, отворити: Людей, котрѣ виннѣ, остро покарати, комитеты такъ названнѣ „православній“, запрещати, замолчати.

А преосвященнаго Венямина просиме най буде преосвященный. Най выдасть вѣрникамъ своимъ: обы не хвалилися зъ звѣрскимъ голodomъ, гр. каѳ. кровь пити и гр. каѳ. мясо єсти, но „такмо скъ Крестомъ Геспода Іисуса“. Най выдасть священникамъ своимъ не бунтовати, но проповѣдати любовь: „Любите и крахи ваши“. На конецъ, если иде на апостолску дорогу, най не лишить такое благословеніе, якъ высшеописанное.

Слава Іисусу Христу.

Члены гр. каѳ. комитета въ Имшади.

## Новости

— Яка есть праця безъ священика и яка съ нимъ. Въ тыхъ часахъ коли духъ „свободы“ такъ многихъ заслѣпивъ, что не дали чести жадной авторитетѣ ни свѣтской ни церковной, заосновали у Вышномъ Свиднику одно братство погребальное, но людѣ лишь сами, безъ священика. Такъ мыслили основатели, что отколи вышло солнце свободы, не потребуютъ жадной помощи своего старого душпаstryя. Но за не довгій часъ узнали, что ихъ дѣло майже до бағна пришло; бо отъ основанія того братства числа членовъ якосъ не хотѣло убольшатися. Заоснованое т-во въ рокахъ 1919, 1920 и 1921 не приобрѣло больше членовъ. Якъ се людѣ увидѣли почали межи собою говорити: „Не можеме къ розквиту братство донести безъ сильной руки, запросьме нашего духовника, най стане онъ на чоло сего братства.“ И хотяй ту розумну пропозицію сенаторъ Юрко Лажко своими намовами знищити намагався, то однакожъ ему не удалосз. Надаръмо казавъ загорѣлый ворогъ Церкви Христо-

вой и священниковъ и своей души Юрко, что если священика занросятъ до братства, то онъ выступитъ изъ него. Но люде не настрашилисѧ но п. Юрка выключили изъ меже членовъ и пошли до о. Николая Данька и запросили его стати на чоло ихъ братства. А о. Н. Данько, котрый, здака дивився на неуспѣшну працу своихъ, ступивъ за проводника по желанію основателей, а то братство, которое за два роки не мало больше якъ 40 членовъ а возрасту жадного, подъ мудримъ проводомъ священника за други два роки вже мае 330 членовъ и мае предъ собою красну будучность. Что безъ священника мало загинути, то съ священникомъ процвѣло. А члены якъ найревнѣйше исполняютъ свои обовязки, между прочимъ той найкрасшій обовязокъ, что рочно предъ праздникомъ св. Николая, вси приступаютъ къ сполочному св. причастію. И въ минуломъ року, хотя зла погода была, высше 100 членовъ у Свиднику появилосѧ приступити къ сполочному св. причастію, а другѣ, котрѣ съ дальшої околици не могли до Свидника дойти, то дома ступили къ св. причастію. А тотъ Іисусъ у найсв. Евхаристіи благословить всѣ добрѣ намѣры тыхъ людей. Заложена тамъ читалня мае свой театральный аматорскій кружокъ, котрый въ минуломъ року, въ Пряшевѣ на торжествѣ Духновича, преподавъ въ городскомъ театрѣ творъ Духновича: „Добродѣтель превышаетъ богатство“ и то съ найкрасшимъ успѣхомъ. А на праздникъ Рождественный у Свиднику преподали красну рождественну игру, съ содѣйствіемъ музики Стропковскаго мужеского дружества. А ту красну культурну жизнь справляе о. Николай Данько и панъ Бонько учитель. Честь имъ! А такъ есть то всяди и всегда. Гдѣ народъ съ повѣямъ довѣріемъ отношаesя, къ своимъ цѣннимъ культурнимъ факторамъ всященникамъ и учителямъ, тамъ здигаesя культурна жизнь народа. Тутъ еще обовязанный назначити, что у Вышњомъ Свиднику и сен. Юрко Лажо заложивъ сполокъ на грошихъ бѣдныхъ гр. кафтоликовъ. Давъ сполну назну „Сполокъ св. Троицы“; обищавъ дивиденды за гроши основателямъ, туній товаръ. Але караюча рука Божа на тимъ сполку; а то прото, бо подъ покровительствомъ св. Троицы не есть жадного склепу, гдѣ туній товаръ бы доставъ чоловѣкъ, но двѣ корчмы помѣщенѣ въ томъ сполковомъ домѣ, абы мали гдѣ пропити люде остатный грошъ. А теперъ въ томъ домѣ, котрый выбудованый на грошихъ домашніхъ и amer. гр.-каѳ. вѣрниковъ, Лажо хоче дати притулокъ згнилой шизмѣ; зарядивъ ту батюшку шизматицку каплицу, але не ходить до ней ани самъ батюшка, бо нѣтъ про кого. А въ конци сен. Лажо такъ провадивъ сполокъ, что уже мае долгъ больше якъ колько волося на его головѣ. И велику надѣю можуть мати бѣднѣ основатели, что сполокъ св. Троицы свой домъ передає жидамъ. А тогда буде сполокъ „Mogen Doved“ а у каплици батюшкової спѣвати будуть „Kolnidre“.

Православный гр. кафтоликъ изъ Маковици.

— **Святкованя юбилея о. Августина Волошина** отбылося в торжественный способ. Велика сала учительской семинарии была битком набита. От имени церковной верхности привѣтствовав юбиланта преосв. Антоній епископ и передав ему выименование за папского камерарія. Потом слѣдовали другъ привѣты. От имени редакціи „Благовѣстника“ и взагалѣ в имени всѣх греко-каѳоликов привѣтствовав юбиланта о. Ем. Бокшай и подчеркнув величъ заслуги о. Авг. Волошина на полю обороны вѣры. Достав. привѣтствующъ письма и телеграмы от канцелларіи пана президента Масарика, от преосв. архіепископа гр. Анд. Шептицкого, епископа Д. Нярадія, от министра Шрамека и Доланского, от вице-губернатора Россипала, от Еренфелда, от Пешека и т. д. Великое одушевленіе, что сповнило сердце присутних к юбиланту было явным доказом того, что о. Авг. Волошин ходить дорогою правды и что в борьбѣ против непріятелей вѣры мае за собою одушевленну и смѣлу гарду русинов.

— **Назад у Христову Церковь.** Ужгородска професорка п. Фрейлих Юліова, родом из Вел. Украины 8-го марта в больницѣ умерла. Покойна родилася в греко-восточной вѣрѣ и через свое житя познакомилася в Европѣ рожными вѣроисповѣданіями. Як пришла до Ужгороду и почала ходити до нашей Церкви полюбилася ей грек. као. вѣра и двома тижднями перед свою смертю навернулася до христ. каѳ., Церкви. Похороны кончив о. Ем. Бокшай проф. гімназіи, в присутности великой публики. Видъ, перед смертю своею розважный чоловѣк выбере собѣ туту дорогу, котра певно веде до житя вѣчного!

— **Храм Божій над паленчарною, або Іїhova аfega в Ильницѣ.** Кажуть на нас, что мы постоянно нападаем на схизматиков и мѣсто любити их, напишеме на них всякъ непріемнѣ дѣла. Мы се не вдячно робиме, айбо на жаль такъ дѣла слушать ся меже ними, что грѣхъ бы было замовчати и не отстрашити наших греко-каѳол. русинов от сей новой, но не дуже твердой вѣры.

Дѣло с паленчарною так было, что вожд ильницких схизматиков Павел Савка уже от давнѣйшого часу въедно с жицом Тейтелбаумом паленку варили, натурально безъ знаня финансов. Паленчарня была помѣщена в пивницѣ Савки а цѣвка ишла через комен, так что никто не подозрѣвався, что ся дѣ в хижѣ Савки. А над паленчарною — и се уже есть не свѣтское но церковное дѣло — держали богобойнѣ схизматики с батюшком свои богослуженія. Доки горѣ читали из апостола: „не напицайтсѧ кинемъ къ немже есть кладъ“ доти въ пивницѣ весело варила паленка, сеся отруя души и тѣла честного русина. Запах спиритуса не раз мав отвернути богобойнѣ думки батюшки, коли при олтарѣ стояв...

В конци концов, финансы выслѣдили дѣло, нашли в пивници 250 литров спиритусу (65°) и всѣ приборы паленчарнѣ въедно с спиритусом понесли з собою.

И что о. батюшка в сем дѣлѣ не быв цѣлком невинный, то явно из того, что от того часу нагло изчез. Из цѣлой сей исторіи лишь одно радостное, что поважнѣйшѣ из схизматиков приходятъ к разуму и залишаютъ туто вѣру, котра над паленчарного прославляє своего Бога ..

— По выборах... 16-го марта больше як 100.000 русинов голосовало на кандидатов комунистичной (большевицкой) партії. Сим наш „богобойный“ христіянскій руській народъ выбрав собѣ ~~четыри послы~~ и трех сенаторов таких, котрѣ суть выразными ворогами христіянской вѣры и котрѣ в бывшой Россіи зробили для христіан другое кровавое переслѣдованіе римских императоров.

Та мы тебѣ „богобойный“ русине гратулеме! Як ты собѣ постелив постѣль, так и будеш спочивати. Лиш пак не парѣкай на попов, что они не просвѣщали тебе, что они не варовали тебе от ворогов твоей вѣры и твоей руськости...

Сим выбором дорогій русине утратив'есь право обвиняти попов, что они гублять вѣру. Пак увидиш яку „тверду“ вѣру принесутъ тебѣ Gati и Mondok, товариши которых в Россіи розбивали все, что лиши мало памятало на христіанство. Они тебѣ исправлять вѣру не бойся! Будуть тотъ бабы еще плакати котрѣ с рожанцом в руках ишли голосовати на комунистов.

А с тым як на велико были якѣсь русины, что в очи священников повѣли, что попы мадяроны. А 16. марта сесь „твердѣ“ русины выбрали майже самых мадяров, мадярских жидов и мадяронов, котрѣ меже собою лиш по мадярски говорять.

Но та красное свидѣтельство выставив ты собѣ русине-христіанине! Можеш гордый быти на сей выбор! Выиграв есь собѣ свободу вѣры, большевицкій рай, языковый вопрос, словом вшитко, что тебѣ еще хибило. Лиш одно стратив есь. Право обвиняти священников, что они згубили вѣру и продали русинов мадярам. Бо то зробив ты сам 16-го марта года 1924. по рождествѣ Христовом.

— НЕ ПАДАЙМЕ ДУХОМ! Редакція наша в послѣдних годах достала туто благу вѣсть, что найвысшій суд в Бернѣ присудив греко-каѳоликам села Бедевля всѣ церковнѣ, фарскѣ, п. учительскѣ маєтки, котрѣ од них схизматики насильно забрали.

Всѣ выдатки, права, шкоды, утраты, кошты мають схизматики заплатити. Сie рѣшеніе найвысшого суду есть правосильное, т. е. не можно апелловати!

На основѣ сего засуда явно, что в всѣх подобных случаях:

1. права и процессы не належать до адміністраційного суду (главнослужного).

2. Гр.-каѳ. епископ в своем властном имени гoden правотити схизматиков.

3. Право выиграется и тогда, коли лиш схизматицкій комитет быв заданый до суду.

4. (Се дуже важное!). Право греко-каѳол. Церковь выиграє и тогда,

коли и одного греко-каєоліка не е в селѣ (хотя такого села не е).

В близком времени таже на основѣ Бедевлянського рѣшенія обновѣм всѣ наши процессы за наши церковнѣ маєтки як в Буштинѣ, Вульховцях Нересницѣ, Руськом, Лучках и т. д.

А вы, братя схизматики, можете подяковати Гагачкови, Гомичкови и их батьюшкам, котрѣ вас завели в бѣду...

(В слѣдуючом числѣ со-

— Короткѣ вѣсти. Польське правительство не узнає организацію безвѣрных людей в политичних справах. — В Польшѣ церковнѣ маєтки (земли) не суть подверженѣ порцѣ, лише приватнѣ и фарскѣ земли духовников. — Послѣ галицких газет преосв. Хомишин епископ станиславскій выимено-ван буде кардиналом и пойде до Риму. — До Владивостоку (Сибірь) Римскій престол выименовав первым епископом Шли-ловского. — Из англицких газет довѣдаемеся, что турки ладяться за калифатом отстранити и гр. восточный патріархат (наслѣдников Фотія) из Царьгорода. Россійска жива (комуністична) церков приготовляєся скликати на год 1925 вселенскій собор. Восточна Церковь уже майже як 1000 роков не мала „вселенского собора“. — В Югославіи есть заказана вѣра ад-вентистов (суботников). — Для бѣдных людей в Советах (бывша Россія) выдав римскій папа 66 милліонов лир (около 100 милліонов корон). — В Ирском послы составили одну молитву, чим начинатися має кождое засѣданіе парламента.

общиме цѣлый текст судового рѣшенія).

— Возраст каєоликов в роцѣ 1923. В минувшом роцѣ было основано: 3 архіепархіи, 14 епархій и 7 апостолских викаріятов. Перед роками число римо- и греко каєоликов было 264 милліонов, а днесь перевишає 300 мил.

— Выименованіе. Преосвященный епископ выименовав о. Стѣф. Ильницкого намѣстником Вереч. округа. Е. Петрика и д-р Ст. Фенцика же членами конзисторіи епархіяльной.

### На фонд „Благовѣстника“ даровали:

Стефан Бачинскій, Ясъня ... ... ... ... ... ... ...	30 Кч
О. П. Долянай, Америка ... ... ... ... ... ...	235 "
О. Е. Невицкій, Америка ... ... ... ... ...	35 "
Гизела Левканичева, Клеченов	20 "
Верхно-Тишанскѣ вѣрники ... ... ... ...	40 "
Д-р Г. Шуба, каноник ... ... ...	38 "
Jan Jenčík, Zbehnou ... ... ... ...	20 "

### Пять правил для предплатников „Благовѣстника“.

1. Посытай передплату зараз на початку рока.
2. Читай „Благовѣстник“ и давай другим, чтобы его читали.
3. Что тобѣ подобається в „Благовѣстнику“, то оповѣдай своим домашним, пріятелям и знакомым.

4. Заохочуй пріятельов и знакомых, чтобы передплачивали собѣ „Благовѣстник“.

5. Не выкидай жадного числа, але як ты перечитаеш и другѣ, зложи до числа, а на конци рока дай всѣ числа оправити, чтобы могли то читати и твои дѣти и внуки.


## СОДЕРЖАНІЕ.

ПРЕОСВ. О. ВАСИЛІЙ ТАКАЧ. – ИАУКА О ВѢРѢ § 7. Створеніе свѣта.  
В ЗАЩИТЬ ВѢРЫ: Безвѣріе из дня на день росте. Что есть источником вѣры?  
БЕСЪДА: Нова вѣра. Что е причиною перехода на шизму? – ИЗ ШИЗМ. РАЮ.  
НОВОСТИ. На фонд Благовѣстника.

РЕДАКТОР-ИЗДАТЕЛЬ:  
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР  
ЕМИЛІЯН БОКШАЙ.

## СУКНА А МОДНЪ МАТЕРІЯЛЫ,



панскъ и дамскъ униформовъ, тепихы, церковнъ сукна, готовъ реверанды, стихары и одежи додась Вам найдунше по мустрѣ, которы чащаются на жаданя.

Выроба сукон HEZINA A SPOL Humpolec  
Новѣреный лиферант Церковнаго Товариства про Рен. Чел.

## БОЖЪ ГРОБЫ, СТАТУЪ

ВЫРОБЛЕ ИСКУСТНОЕ ПОДІРІЕМСТВО

## ŘEHNA A CHARVÁT

:- KUTNÁ HORA 515. ČECHY. :-

## ГАРМОНИИ


к упражненію в спѣву.

## ПІЯНА и ПІЯНИНА.

Первокласнѣ выробы. Почестнѣ і значенія. Доставлено 7300 гармоній и піян и 287 органов. Выгоднѣ условия для плачення також и на рати. Изустроованій цѣнники бевглаатно. Найбольша ческа фабрика сого фаху.

Заснована року 1869.

JAN TUČEK, KUTNÁ HORA, ČECHY.



# В КНИГОПЕЧАТНЯ „УНІО“

МОЖ ПОЛУЧИТИ СЛѢДУЮЧЬ КНИГИ:

		Кч
1.	Азбука Волошина ...	7.—
2.	Читанка „І. кл. ... ... ...	6·50
3.	Аритметика Волошина I—ІІ. кл. 2 кор., ІІІ. кл. 2 кор. ІV. кл. ... ... ...	2·60
4.	Методическая граматика Волошина ... ...	5·—
5.	Географія М. Григашія по русски и по мадярски	5·—
6.	Малый катихизм ... ...	1·20
7.	Средний „ ...	3·—
8.	Великий „	5·—
9.	Мала біблія ... ...	3·—
10.	Середна біблія ... ... ... ...	10·—
11.	Наша правда в вѣрѣ от д-ра Ю. Гаджеги...	2·—
12.	Прочто праздновати недѣлю а не субботу от д-ра Ю. Гаджеги ... ... ...	3·—
13.	Библейские вопросы с точки зрењія восточ- ныхъ церквей ... ... ... ...	3·—
14.	Вѣнец, стихотв. Павловича ...	18·60
15.	Великий Зборник }	40·—
16.	Средний „ } и с латиникою	24·—
17.	Малый „ }	15·—
18.	Ангел Господен }	6·—
19.	Марія Повчанскій Паломниe... ... ...	16·—
20.	Пѣсемник, от директора промысловыхъ школ Ф. И Шталы ... ... ... ...	12·—
21.	Рисование для дѣтей с русским текстом ...	6·—
22.	Рисование для дѣтей съ чешским текстом ...	4·—
23.	Рисование геометричное ... ... ... ...	15·—
24.	Ручна праця в школѣ с чешским или ма- дярским текстом ... ... ... ...	16·50

В том состоянїи есме, что всѣм заказующим через  
48 годин можем почтовно провадити.

Заложуйте свои вкладки до Централъ або філіялік  
**ПОДКАРПАТСКОГО БАНКА.**

СТАН ВКЛАДОК ПОВЫШЕ: КЧ. 10.000,000.

В всяких фінансових и господарских дѣлах доставить Вам скору, точну и безплатну пораду :-:  
**ПОДКАРПАТСКІЙ БАНК В УЖГОРОДЪ.**

Своими заощаднеными гелерами при доброму опроцентованю капитала подпирайте свой народный  
**ПОДКАРПАТСКІЙ БАНК В УЖГОРОДЪ.**

Истинно народна, руська и славянска інституція есть  
**ПОДКАРПАТСКІЙ БАНК В УЖГОРОДЪ.**

Свой до свого!  
Пересилки долларов до Америки з дозволом  
Банковного Уряду выконує :-:-:-  
**ПОДКАРПАТСКІЙ БАНК В УЖГОРОДЪ.**

Переказы до Галичин, Польщъ и др. держав  
Європы и Америки выконує найвыгоднѣйше :-:  
**ПОДКАРПАТСКІЙ БАНК В УЖГОРОДЪ.**

Замѣну старых ческословенских банкнот (Кч. 5000,  
500, 5.—) переводить :-:-:-  
**ПОДКАРПАТСКІЙ БАНК В УЖГОРОДЪ**

в Банковном Урядѣ Министерства Фінансов.

Америцькѣ десеквестрації, исекурації и компензациі за померших в Америцѣ переводить :-:  
**ПОДКАРПАТСКІЙ БАНК В УЖГОРОДЪ.**

За вкладки (льоқації) платить  
**ПОДКАРПАТСКІЙ БАНК**  
:-:- 5%—6%. :-:-

Путешественна канцеларія продажа желязнодорожных карточок на цѣлу територію  
Республики и до всѣх сторон свѣта має  
**ПОДКАРПАТСКІЙ БАНК В УЖГОРОДЪ**